



UNIVERSITÄTS-  
BIBLIOTHEK  
PADERBORN

## **Flores Meditationvm**

**Bebius, Philippus**

**Coloniae Agripp., 1623**

Medit. 3. De reuelatione S. Iosepho facta.

---

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)



nocentiam Susannæ declarasset, omnes benedixerunt Dominum, qui liberat sperantes in se.

*Gen. 37. 2.* Ioseph Patriarchæ Deus in somnis  
*& 39.* multa reuelauit, & cum seruiret Domino Ægypti, tantam apud eum gratiam obtinuit, vt illi totius domus suæ administrationem committeret.

---

P R O P H E T I Æ.

*Psal. 33. 1.* **M**VLTÆ tribulationes iustorum, & de  
his omnibus liberabit eos Dominus.

*Psal. 36. 2.* Reuela Domino viam tuam, & spera in eo, & ipse faciet, & educet quasi lumen iustitiam tuam, & iudicium tuum tanquam meridiem.

---

D O C V M E N T A.

*1.* **B** Virgo cum concepisset filium Dei, hoc secretum sponso suo nõ patefecit. Vnde discimus, securius esse visiones diuinas, & cœlestia dona occultare, quam manifestare: atque item omnia quæ in nostram laudem cedunt, vel existimationem apud homines conciliant, ab alijs potius, quàm à nobis ipsis proferenda secundum consilium Sapientis. *Laudet te alienus, & non os tuum.*

*Pro. 27. 2.*

*2.* B. Virgo, etsi sciret se gestatione vteri magnam causam suspitionis & mœroris daturam Iosepho, tamen innocentia suæ conscia, confisa Deo, qui remedium suppeditare, famamque inueniri possit, conticuit; Sic nos, si aliquando iniquè

iniquè infamemur , modo conscientia non redarguat , neq; turbari , neq; nimis anxij esse debemus , tantum committamus totam rem Deo , omnium in se confidentium patrono , qui , si iudicabit nobis expedire , non negliget innocentiam nostram patefacere toti mundo.

3. Ioseph etsi secundum legem potuerit accusare , & repudiare Virginem , postquam cognouit esse grauidam , tamen ad tuendum eius honorem , maluit occultè dimittere. Vnde discimus , qua caritate , prosequi debeamus proximum , etiam post lapsum ; nempe non statim ( quantumuis iustè forte possemus ) eum diulgare , & hominem infamare. Cum enim hominis Christiani sit , non facere alteri , quod nobis factum nolimus , debemus , quoad possuimus , omnium bonum nomen & famam tueri.

4. Ioseph cum versaretur in cogitatione dimittendi sponsam , prius rem diu secum expendit , quàm aliquid decerneret , & idcirco à Deo veritatis manifestationem obtinuit ; Sic nos in rebus dubijs & incertis , si velimus à Deo illuminari , non debemus esse , aut in iudicando temerarij , aut in deliberando præcipites , sed studiosè prius perpendere quid factu opus sit.

5. Si Deus permisit matrem suam innocentissimam , eiusque sponsum Ioseph hominem iustum tantopere affligi , non est , quod nos peccatores conqueramur , si aliqua afflictione à Domino visitemur , scimus enim , si imperfecti simus eam nobis prodesse ad vitæ emendationem ; si perfecti & iusti , ad augmentum meriti & coronæ in cælo.

6. Angelus B. Virginem appellauit coniugem Iosephi : vnde sequitur , posse verum esse matrimonium inter duos nondum secuta co-

pula, si ex communi vtriusq; consensu caste viuant. Quale matrimonium hoc Deo gratius est, & maioris meriti, quanto similis est matrimonio Matris eius & Christi cum sponsa Ecclesia.



MEDITATIO IV.  
DE NATIUITATE  
CHRISTI.

PVNCTA MEDITATIONIS.

- Ex Eu. I. ang. Luc. 2.* I. *Publicato Augusti, de descriptione orbis decreto ascendit Ioseph in Bethlehem, cum vxore sua eò quòd esset de familia Dauid.*
- II. *Cum essent ibi impleti sunt dies MARIÆ, vt pareret: Et peperit primogenitum suum.*
- III. *Inuoluit eum pannis, & reclinauit in praesepio, quia non erat ei locus in diuersorio.*

FIGVRA.

*Exod. 2.* **M**OYSES postquam natus est, positus est in fiscella scirpea.

PRO-